

長勿勿齋詩集

溫州府圖書館藏

長齋

勿詩

勿集

漱
叢
自
檢

長勿之齋詩集 五卷

共 2 册 存 2 册 排架号

08365

丙辰孟夏
印於杭垣

長勿勿齋詩集卷一

橫江集上

楓香驛

十里楓香路深林歇晚車孤村團遠樹野燒接殘霞獨有采樵者
而無賣酒家西風吹馬首隔水一燈斜

涼亭河

村抱溪流曲日斜山寺荒半林茶雨老十里麥風香嶺路長蛇陣
人家牡蠣牆田翁何處返燈火近昏黃

黃鶴樓改築洋房中置警鐘有作

金鐘杵打漢陽秋玉笛無聲江水流黃鶴不來謫仙死白雲變盡
舊時樓

由宿松渡泊湖阻風望江曉發采石磯

飄輪整駕隨飛龍天門雷鼓聲逢逢靈風夢雨斷楚峽小姑招我
雲堆中泊湖莽蕩五十里思插兩翅輕相從石尤天驕殊作惡支
祈戰野蛟逃宮帆葉斜擘玉翡翠浪花碎打銀芙蓉却怪世人輕
性命乘風擊浪連艤幢篙師船頭相風坐使船如馬奔天空左把
梢牙右挽索繚風後放前轉篷卅條貫穿木轆轤紐以雙鉤環螭
銅解鈴繫鈴身手健首尾相應尤玲瓏冒險自蹈覆舟禍來者不

悟真愚蒙我舟七日殢吉水馬當山阻無迴風出門舉足卽失意
餅空酒澀歌惱儂推篷偶見皎月上恒河引纜江之東舉杯牛渚
邀太白霓裳曲侑雲母鍾神仙幻劫話天寶笑爾玄鶴齊沙蟲當
日越人爲公語天姥我家恰住天台峯靈府記山一萬八雲烟夕
變朝難同君不見五嶽真形今鑿破尺管那得窺洪濛天雞喔喔
鳴破曉鯨波日躍扶桑紅罡風吹夢了何有但見刺天飛蟻蠓
舟過彭澤望小姑山述感

彭澤出晴烟匡廬挂瀑布上遊門戶雄城高冶鐵鑄昔有陶靖節
一官賦歸去故園松菊心漁父桃源趣祿米五斗榮掉頭那肯顧

彭公我朝傑紅巾蕩妖霧百戰奪小姑磨盾題大句功成且退省
結屋西湖住種菊與畫梅香冷心共素北風吹逝波黯淡潯陽樹
俯仰慨古今天空飛白鷺

馬當

天塹難飛渡橫江勒此山馬盤千仞壁虎踞百年關地勢連吳楚
雲濤控越蠻投鞭流可斷終古石頭頑

鸞兒行

淮北大饑

虎渡負子牛舐犢雌雞翼雛抱獨螟蛉之子盡寄生况乃人生
親骨肉生男有喜不可說湯餅會開好時日六親來賀誇寧馨兒

貌如花當結實可憐兒小多磨折日日啼饑娘心裂三歲扶床纔
步行爹今負兒到城北長街踏遍脚無力插草兒身把兒鬻可憐
買者名不識兒顧爹面兩於邑阿爹搖手向兒道汝從之去且莫
泣生來愛兒掌上珠而今祇易幾斗粟肩囊有粟膝無兒一家猶
免溝中瘠夫歸妻爲下肩囊取來入厨去煮粥粥熟先奉老姑食
姑要孫來食我側還說寄兒別家宿請姑先食淚偷拭

九江歸皖次何棠蓀

維棟

觀察韻

風雲雕鑿幻乾坤芻狗功名豈足論鑄史獄因司馬重焚書儒爲
祖龍尊騷壇號令金壺箭筆陣縱橫鐵限門祖德縹緲足千古心

香一瓣奉南園

道州生平論
書最重南園

青衫零落九江城誰唱琵琶送我行
泛駕豈甘充下駟好龍無奈盜虛聲
千年仙蠹惟貪字一夕飛蛾亂附明
不向吳蒙論韜略退兵何惜自燒營

紀文季雲殉夫事

畫

爲覓封侯出玉關畫眉夫婿不生還
龍堆風雪埋忠骨馬革沙塵認舊顏
萬里小戎思板屋千年邊月冷黃山
灑來棧道桃花雨戰血紅亭一色殷

倉皇鐵騎走蛇盤粉黛功高大將壇
佛國無靈呼罔兩鬼雄有恨

縛樓蘭雲埋鳳塚天應陷月湧蓮池
魄亦寒綽楔一門忠節在好留青史後人看

題絳雪絃詞

有序

寧鄉岳百川

隴東

廣文有二姬焉一鍾姓昔隨侍道州
歿於學

署號梅花匪者一楊姓以丁未來皖歿於洞庭舟次號洞庭囓
仙百川悼之爲詩百首曰絳雪弦詩與百川同客皖城小雪舞
窗寒燈照夜讀竟題此用慰百川之情而塞其悲云爾

情天劫後尙飛灰終古氤氳蕩不開
補恨媧皇休煉石籲天從此

莫生才

百川自號
顯天生

湘竹搖波淚化烟西風剪剪斷冰弦蓬萊偏有神仙却情史重翻
五百年

夜雨春山冷鷓鴣半痕梅月淡如無終南阿妹憐新嫁一幅情天

鬼趣圖

何福修來共此生梅花冷抱喚卿卿一天香雪春陰病不見癯仙

踏月行

青帝憐才少主張北邙風雨瘞花香江州淪落青衫客七字歌詞

補恨長

錦水鴛鴦打槳過秋風吹散洞庭波望夫一片君山石明月年年

弔女蘿

畫屏雙影小星低紅燭粧殘淚作絲百末湘中新合草西堂終古

有冤詞

春夢迷離詩卷中鬢絲禪榻悟空空蘭因絮果從頭記體例南唐

雜事同

痛飲黃龍酒不春金牌十二動胡塵南朝一掬英雄淚付與兒孫

哭美人

黃土無情瘞翠鈿華髮偏証並頭蓮何能艷福雙消受懊惱人閒

岳百川

楊柳絲長不掛愁過江名士伴閒鷗烟花六代春如海涕淚南來
幾酒樓

風雪殘年客裏過佳人才子命如何江關庾信真蕭瑟百首哀詞
恨更多

雪案青燈檢蠹魚停雲江館對門居洛神自試黃初賦寫入吾家
玉版書

大觀亭

玉虹高跨皖公臺天塹東南畫界開山擁大龍雲氣出江橫白馬
海潮來梯航禹貢思王會風雨吳趨弔霸才五萬鶯花春夢醒中

年哀樂付閒杯

徐山題竹

獅子巖頭叫畫眉浮生心事白雲知青青倚遍園中竹自笑人間
得句遲

龍去潭空水尙靈烹來妙品揀茶經名山不負千秋約留得詩篇
照汗青

送家六潭師榷稅漕川舟次蕪湖

沙鳥雲帆潑眼過客中無奈別離何村前黃葉經霜早江上紅渠
照水多隔宿殘羹宦諳官味經旬病酒逐詩魔何時同艤漕溪棹欲

把微詞託素波

蕪湖曉發

颿輪鼓浪曉烟昏
雨打寒潮下海門
采石樓空聞鶴唳
蟪蛄磯祠冷
返鵑魂帆飛黃葉
秋聲碎
劍說青萍酒氣溫
六代江山看不厭
游仙何必到崑崙

重過漕川權園

芙蓉紅慘芭蕉綠
美酒千鍾醉不足
客去幾時今又來
春花落盡
秋花開客耶花耶
都是夢
此花還爲客手栽
馬蹄踏遍江南道
看花那得花長好
花開團圓令人歡
花落淒涼令人惱
吁嗟乎四時

園林無定態
王侯第宅有興廢
君不見平泉莊上秋風碎
十里寒雲生野菜

漕川張仲和家園

水閣柳陰裏
闌干卍字斜
大隄留夕照
隔岸有人家
屋古瓦生草
牆欹苔作花
鳴蟬在高樹
客思動江涯

正覺寺

古佛坐壞殿
梁空蝙蝠飛
竹房歇清磬
歸鶴語斜暉
擲鉢天魔散
傳衣燈火微
已無真眼
歲著想尙非非

送友歸台州

長江流恨水載盡去來船老屋歸何日秋風又一年觀空君厭世
投隱我無田親友如相問詩情似昔顛

秋夜懷黃哲甫晉賢宣城

秋月光皎皎秋水波盈盈鴻雁江頭飛蟋蟀堂上鳴短檠怨遙夜
故人客宣城青山何高哉白紵歌且清昔別春花開今來秋草生
時物有代謝金石無變更富貴不長保何用千載名寄詩贈遠道
勿渝白水盟

夜泊荻港

蘆花秋瑟瑟斷岸繫孤舟一夜望明月征人無盡愁沈沈雲外雁

泛泛水邊鷗親老兒荒學捫心疚遠遊

妾命薄

妾命薄妾命薄從今不唱江南曲江南曲愁莫聽玉樹名花落後

庭解一郎來郎來春信度江梅郎去郎去江雲隔春樹解二楊柳高楊

柳低入繫青驄馬出縮白銅鞮兩兩黃鸝枝上啼解三一疋布裁郎

衣別來可似去時肥將郎來比妾解帶約腰圍解四

春詞四首

弓鞋底窄印塵紅雙帶裙飄恰受風南浦綠波春去也小舟搖過

畫橋東送春

一幅迴文錦字箋微波渺渺託魚傳計程書到春江夜花正開時

月正圓

訊春

愛花愛月兩多情花要春陰月要明爭得護花不礙月日來微雨

夜來晴

韻春

雙飛蝴蝶傍東牆風色參差見太陽翻恨今年花信好累他日日

采花忙

韻春

舟次候風

來船西去去船東江海相逢客路同我且停橈候潮上看君先趁

半帆風

小蓬萊集飲

白社會詩盟江頭春水生登樓動鄉思畫壁有狂名鳥過雲天碧
人來花雨晴一年同作客明日又清明

贈胡俠亭

壬杰大令

俠公三楚傑落落此天民其人隱於吏秉性澹以真濁酒澆肝膽
硬骨撐精神問君何七噫滿目胡馬塵公車二十載醉踏長安春
偶爲蜀道遊長揖辭將軍緇衣館司徒贊帖羅鞞份

曾館張家飄然文達

捨之去捧檄廬江濱衙參躡雙鳥不見蹄與輪我來叩其肩老僕
云已醺堂上署大蝶夢覺無新陳只疑淮陽臥已使風俗醇百鳥

鳴聲啾惟公如祥麟物色風塵中開懷與我親手出一編詩讀竟
知其人

題薛劍公像

天缺東南不可補一拳獨立見精神酒酣畫石有奇氣落落先生
自寫真

大袖深衣冠網巾滄桑滿地一遺民至今埋劍空山裏風雨龍江
氣不春

次韻送朱菊坪黃歸維揚

白雲東望欲如何對酒無端發短歌明日候潮挂帆去六朝山色

隔江多

題六舟僧手刻虎符晉爵硯為鄧秋枚實作

六舟天台僧金石能刻畫彝鼎聚商周日拓本三百百衲朝名山

睥睨侯門客儀徵敬禮之阮文達公張叔未馮山魚交莫逆海內寶其物度

藏如球璧遺有硯一方迺為鄧子獲虎符晉爵文精刻逾玉册作

器識達受六舟名徑方不盈尺小印刊其旁刀法劇波磔造化鑿洪

濛雲雷手眼劈帶礪此同盟百靈為護惜世世永保用俯仰奉神

策望古動遐思茫茫將焉適北望圓明園餘燼燭天赫金臺輦百

寶圖書厭番舶法物漸淪胥怵惕神州厄問誰保國粹匹夫豈無

壓

責我家天台峯嗜古有同癖蔡子寄拓來蔡哲夫淑配張傾城夫人善拓金石摩挲手莫釋文字不立禪此旨吾佛白落落華嚴宗不滅視茲石

焦山訪瘞鶴銘

焦山水中峙芳樹青窅窅過江生微雨到門啼山鳥老衲抱雲眠疎鐘破清曉隔江望甘露佛國壓林杪怒潮海門來帆影天際小還訪瘞鶴銘曲徑隨僧繞臨流石倒懸筆勢遊龍矯經水石冰裂
五字思窈窕乾隆大水石落五字千載作者誰名隱風更渺

思家和家六潭師韻

客子身如燕未歸夢中門巷是邪非浮沈淮海人將老搖落江潭

樹幾圍慈母淚添機上綫山妻寒補嫁時衣登樓望斷南天月一片閒雲傍鶴飛

田園歸計問何如囊有閒錢又買書任俠半生名更累棄儒一笑術原疏酒尊壓座皆中下詩卷傳家孰毀譽欲訪桃源舊雞犬漁郎何處渺愁余

橫江集上
 長勿勿齋詩集
 卷一
 橫江集上
 二十二

長勿勿齋詩集卷二

橫江集下

黃巖王葆植漱巖著

廣樊山十憶和潭師

情長情短萬千絲涼暖探湯祇自知蓬首荆釵郎不愛洗妝重畫

入時眉憶沐

長裙率地影裴裒七寶燈懸錦帳開一丈氍毹紅不捲春魂飛上

柘枝臺憶舞

隔花犬吠漏聲遲響屨廊空月影移朱戶半開簾半捲累郎凝望

已多時憶來

紅亭俏立話離蹤攜手愁聞花外鍾一片彩雲飛去也隔江秋水

望芙蓉 憶去

博他人笑爲郎歌自抱琵琶掩面多畢竟春風總相識九枝燈底

送微波 憶視

假夢香衾總未溫一燈如豆向黃昏子規啼徹三更月細雨梨花

獨掩門 憶聽

暗數春山六曲屏紅絨吐罷立娉婷却來窗下調鸚鵡故把宮詞

說與聽 憶言

紅豆花開第幾枝倚闌欲賦惜春詞分明別有相思處事到難言

轉學癡 憶想

擁髻無端翠袖嬌桃花靨上暈紅潮淚珠還比珍珠重除却檀郎

不肯拋 憶泣

妾近天台仙子家桃紅時節飯胡麻前生已爲情根誤孽海今生

又種花 憶愛

又

多病春陰怯早涼玉盆無賴洗殘粧自憐窄袖風流甚散髮溫調

百合湯 憶沐

惆悵東風管領時陽阿飄泊十年遲廣場散後誰相問瘦到腰支

強自持 憶舞

重尋芳徑草迷離夜靜棠花睡不知半榻茶烟香裊裊那堪回首

月明時 憶來

瑤階乍下步還留月上西窗夜色幽後約多情難自主爲郎珍重

怕回頭 憶去

春風含笑玉生渦影似驚鴻一瞥過籠住碧紗嬌半面眼波領略

隔窗多 憶視

落花滿地閉門時斜倚胡牀有所思種性相傳難斷滅杜鵑聲裏

斷腸詞 憶聽

密約深深拜海棠花前夜燕一爐香即今嚙臂全無準海誓山盟

總易忘 憶言

二分明月添梅影兩個黃鸝上柳梢早晚相思望黃浦儂心爭似

去來潮 憶想

玉裹雙鉤月樣纖十三情致耐纏綿貪工未肯鬆鴛履時有酸痕

落枕邊 憶泣

妾命如絲欲化烟郎情似海會成田莫教鸚鵡三生妬願作鴛鴦

萬劫仙 憶愛

黃盤洋舟中遇陳楷亭 崇實少尉

歲晏江頭歸颿輪鼓海水獨夜不能寐望洋清泚泚癩山草不生
冷月凍欲死飄然來者誰覲面各疑似爲問客何名客云穎川子
巾峰十年別城霞散爲綺吟社半陳人陶遜樵張梓林今已矣我生固
無庸君老况如此少年君自負騏驥日千里那知蘇臺遊一官聊
復爾胡牀對華髮照人燭花紫彈琴發狂嘯老蛟夜驚起晨風海
天號簸簸淚未已

題蒲作英風雪關山圖

作英秀水老畫師青衫落拓識者誰僧寮道觀寄眠食酒酣興發
筆乃隨獨師造化鬱奇氣雲雷十萬腕底馳十日一山五日水此

語不受古人欺其人其畫空一世此幅墨瀋尤淋漓吾友愛畫兼
愛詩風窗橫軸索補題十載飢驅走江海兩足重繭僕馬疲披圖
繞屋有寒色風雪動我關山思日歸何日故鄉遠得句先報梅花
知

送張貢吾翊大令之官建德

揚子江邊春水生青樽白舫送君行一舟斜翦潮頭去消受東風
五兩輕

一官如粟渺滄洲南國風騷逝水流二十四間談豔譜俸錢補築

賣花樓

五代建德有賣花樓二十四間

江上青山徧問名九華舊夢入秋清分明蠟屐堯城路一夜衙齋

聽雨聲

予昔游九華取道建德

吟壇旗鼓角詩軍

在院同結詩鐘社

奪得龍頭當策勳一片蒼生霖雨意

等閒都付出山雲

贈李卓侯

窗外垂楊淺階前細草侵抱經人不寐春意一燈深

過西湖謁白蘇二公祠

湖水明於鏡夕陽紅滿船高峰劃南北香火兩神仙題壁詩留墨

登樓月在天明朝別鄉樹客思又綿綿

舟泊洪家鎮守風

杜秀山頭雲影移冶塘湖口繫船時守風三日不得發短篷炊火

烟絲絲

華陽別潭師歸台州

百二十里華陽路五月西南風打船遠水到門來白鷺夕陽隔樹

有鳴蟬行蹤已逐江雲幻歸夢偏逢海月圓萬丈石梁如可渡南

能今已悟薪傳

金陵訪官子高

瑞椿

將乞假歸台詩以果之

秋老江關路相逢鬢似銀黃花三徑晚白下一官貧聞斷如充耳

機忘已化身故山有猿鶴早晚盼歸人

以端硯一方贈趙綸士恩承賦此并刻其陰

街頭拾得一片石賣者云出廬江陞出土被鋤傷左缺手自摩挲
光陸離老坑頑殘得奇趣雲雷古文蟠夔螭惜汝從予走湖海筆
耕墨耒時憂飢得汝自皖還之院造物於物原無私硯歸趙子硯
得主海枯陵變硯不移

赤烏刀

短袖拂吳刀古金不可淘土花青似髮霜氣白生毫用異毛錐子
贈逢屠狗豪摩挲三歎息長嘯霜天高

江上探梅

懷人獨擲東風笛明月滿船何處開特地風心隨氣動無邊雪意
與春來寒雲小驛書猶滯香夢孤山喚不回側帽巡檐吟秀句轉
憐詩骨瘦於梅

謁華陽方忠烈祠

方忠烈桐城人爲方正學高第弟子官四川斷事遜國時名不
附賀表被逮華陽以爪髮寄鄭太人沈江死後人崇祠祀之有
碑刊絕命詩二章詩云休嗟臣被逮是報主恩時不草歸降表
聊吟絕命詞生當殉國難死豈論官卑千載波濤裏無慚正學

師聞道望江縣知爲故國濱衣冠拜邱隴爪髮寄家人魂定依
高帝心將愧叛臣相知應賀我不用淚沾巾

少游東湖曲曾禮樵夫祠

吾台郡東有忠逸祀
明遜國投湖樵夫

白雲在故鄉千載無

盡期竭來謁忠烈下馬讀殘碑名不賀表附官豈斷事卑緹騎逮

華陽授命早見危桐城首邱正爪髮家人遺誓從汨羅後

祠旁有屈大夫廟

慨寄絕命詞等爲遜國臣報君不負師湛命及十族英爽昭在茲

江海流不斷明祚今則移神鳥集廟樹夜夜啼南枝

華陽題壁

去年五月來華陽馬首山青鞭影忙今年正月還舒州鴨頭水綠

鷓聲柔舒州昨接故人書問余吟興今何如甕頭春釀待新擘雪

菘雨韭桃花魚

華陽春帖子題後

華陽在望江縣城南古稱大雷岸爲揚子江巨埠估船雲集岸
多倡寮錄其姓名綴爲聯語得百十聯曰華陽春帖子並以詩
題後

髣髴金壇古洞天丹房秘籙有真傳神仙度過陶宏景七十鴛鴦
也結緣

雙禽比翼下迦陵禪縛何年解大乘十丈紅蓮開火底生天難度

萬摩登

休將因果懺空王
游戲何妨作道場
入道更憑魔護法
天花飛墮色身香

華嚴色界戲天龍
不問南宗與北宗
瓶拂因緣修得到
皈依願作寫經傭

過東流陶淵明菊圃

東流古彭澤
靖節有菊圃
圃在菊則無
秋來待誰補
春江泛綠醅
短岸歇柔艣
一飯山城隅
雞聲出亭午

書感用綸士韻

登高騁遐矚
夜氣中原蒼
豈不懷四裔
道遠傷迷茫
峻坂易摧軸
旋流無定檣
水弱市天碧
河濁盤地黃
離騷重余愁
千載弔沈湘
采蘭不盈菊
服媚終無方
罔兩東海隅
猛虎南山陽
萬方今同軌
何必諮周行

和韻答陳慎登

朝爵長沙

兩地同爲客
隔年書每訛
山川飛不到
肝膽向誰何
秋館挑燈語
春潮理櫂歌
雙魚頻報我
離思滿湘波

出皖城西門至大新橋沿山北行循清水塘而歸

古柳寒塘懸落日
平蕪山郭動炊烟
穹碑八字大如斗

清水塘有碑刻元余忠宣

公殉節處八字

江表亂峯青插天
雞犬人家籬竹短
牛羊荒塚石頭眠
前溪略約問歸路
隔水荷樵雲一肩

和趙七贈別韻

秋到江南黃葉飛
疏林微雨浣征衣
年來早辦遊山屐
老屋天台有夢歸

讀書堂畔夜深時
人太聰明意轉癡
刻意傷秋更傷別
一燈蟋蟀

雨如絲

別趙六

海燕銜魚江上飛
釣磯秋漲沒苔衣
青山兩岸來時路
紅葉滿船

人又歸

銅檠刻燭不多時
畫裏江城別後思
九子蓮花峯第六
對牀風雨

夜談詩

荷葉田田青滿池

荷葉田田青滿池
如何六月尚空枝
料應逢閏花遲發
也與黃楊

厄數奇

荷葉田田青滿池
水深故故出花遲
無花有葉能擎雨
蓋得魚兒

葉底嬉

荷葉田田青滿池
小風輕蕩自撐持
似愁結子心多苦
未忍開花

見別離

荷葉田田青滿池去年花放幾多枝有花那及無花好采得花來
斷藕絲

贈蔡彩鳳

有序

彩鳳百啾譚家花也口操北音年可十六七色藝冠一時過皖
演劇觀者豔之率成二章

五陵雲散少年場潦倒江南鬢已霜愛爾英雄真絕代喚來名字
合焚香芳塵不動凌波襪青綰初修覆額裝不願長門聽選部東
風晚嫁恐無郎

北部燕支少顏色蔡娘尙有可憐春飛來花雨諸天戲踏破紅氍
十丈塵趙燕身輕風作態楚宮腰細柳如人無端替拭珍珠淚不
覺傷心淚滿巾

贈趙雪簃即以留別

十五小兒腕不弱長戈大戟紙上躍斗墨漫濡張顛頭尺錐立定
元和腳學草宜狂品宜聖筆正心正乃有著煉形煉氣尤煉神洪
鑑九轉還丹藥天花不著維摩身元關打破羣魔縛揚州八怪野
狐禪自詡超塵終墮落雪簃雪簃富才略少年天矯雲中鶴遠紹
祖德千縹緗吉金樂石相騰爍近取即是遠弗渝大道求博先守

約居鄰陋巷呼小友風雨往來破寂寞我將行矣歸天台東望滄
溟駕海若雪簷若以余言然千里相思心不各

題南江三老圖

南江有三老披圖已識兩左顧沈自瘦嘉興子培方伯右盼徐亦強永嘉侯給諫

中一人魁梧習靜轉忘象潭家六師惟沈逃於禪六如豁冥想挂冠江

濱歸結屋廬山上坐臘等忘言梵落寒林響徐狂託於酒玩世杯
在掌酒腸露芒角聲出尤慨慷落落家六潭在三年獨長命符苞
萬有靈照自晃朗函雅無圭隅體大用自廣草玄甘寂寞萬物通
胖蟹三老一時傑古貌軼塵埃輪囷合抱木不棟年可享聞之壯

往年洛下互倜儻好士瑞安黃濼關通政文譙日以儆黃墟今邈然韻

事成疇曩各各目相笑白髮三千丈圖成示小子載筆心嚮往留

永浙東西高山共景仰

去年中秋綸士邀同慎登燁如聯吟遂園今燁如宦遊鄂渚余亦
浮沈梅冶間撫今追昔不禁慨然作此柬綸士慎登燁如

江山如此好明月幾回圓秋又逢今夕人還憶往年飄飄雲外笛
泛泛渡頭船一別天台路相思各渺然

羊山磯晚眺

卓帽海東客夕陽江上山估船弄潮上倦鳥帶雲還漁市三五里

歌樓十數間偶經舊遊處憑眺一開顏

舟泊荷葉洲王少谷念祖太守招飲榭舍酒後索書作此報之

長江纔卸一帆輕榭舍相邀倒屣迎吏隱牢盆風不俗洲浮荷葉

月偏明大瓢酒許論文醉狂草書因舞劍成招手九華在天半憑

欄凝睇不勝情

荷葉洲大水紀事

鳧雁漂零尙繞村沙頭潮落見新痕壞牆石壓黃泥竈絕港橋浮

白板門藏壑舟亡懸在樹臥波柳老倒生根橫流誰拯滔天厄客

子哀時欲斷魂

禁江行

大通外江爲六百丈以禁江稱洋船上下如織夾江設卡抽釐

估船來往抵卡報捐驗而放行若徑駛禁江者罰爰作禁江行

禁江水深六百丈洋船上下如雷響夾江水繞羊山青估船查驗

帆必停水卡密布上下中抽釐助餉官旗紅皖岸鱈網此控馭鹽

商掣票堂堂去禁江禁江莫亂走除是洋船貨官有沙頭堵卒如

犬守

九日聞鄂警和潭師韻

橫流滄海聚微塵醉裏江山夢裏身敗局圍棋淆黑白斬關靈藥

失君臣縑衣化盡仍爲客黃菊開時又笑人欲向老漁問歸計桃源誰爲指迷津

賈島墓

祭詩亭畔暮煙深野水平池鳥宿林我拜闍仙思鑄像秋風銷盡客囊金

詩派三唐各自分吟魂相對意何云瘦狂兩字難兼擅好結芳鄰

李白墳

賈墓與李白墓相近

望金鼇山

椒關落日思茫茫秋老金鼇蹕路荒南渡柑燈風颯拉北朝花蕊

月悲涼回頭彼岸都成佛被髮深滄海橫流歸不得天

台未必是仙鄉

歲暮

山中歲方暮寒影入書堂雪壓旗頭白潮來海氣黃紀元秦改臘尊統漢無王一例蟲沙劫何勞弔國殤

溫州府 圖 卷 終